

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

29 Juin 2018

(14 Shawwal 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Messages Divines 19 & 20 Juin 2018 ».

Pou le Khutba Jummah d'aujourd'hui, mo mette devant tous mo bane disciples bane messages divines ki ti contigner dessane le 19 et 20 Juin 2018, et mo faire *duah* ki zot adopter toujours le bon chemin et zot reste fidèle à Allah et So Messenger et Khalifatullah jusqu'à dernier souffle de zot la vie lors la terre. Li facile pou dire « *Mo croire* », mais li bien difficile pou reste fidèle dans sa la foi ki ou fine gagner là. Sa ene trésor exceptionnel ki Allah fine donne zot dans sa siècle là. Et zot, faudé à aucaine moment zot pas écoute bane Mullahs fauteurs désordres ki rode dévier zot l'esprit et les cœurs de vrai la foi kot zot rode mette doute dans zot la tête concernant la proclamation de « *Rassool* » et « *Nabi* » ki Allah fine donne sa humble serviteur ki présent parmi zot aujourd'hui. Zot pé rode fer désordre, mais Allah pé contigne honore So Messenger, So Rassool. Sa bane là dire zot : « *Bé si li ene vrai Rassool, li bizin faire serment lors nom d'Allah* ». Ki sa bane là été zot pou donne l'ordre Allah et So Messenger ?

Eski dimounes prend serment lors nom d'Allah comme ene badinage ? Eski sak fois ki bane dimounes vine de l'avant pou dire « *Fer serment lors nom d'Allah si ou vrai* », eski zot penser ki ene Messenger d'Allah bizin obéir zot ou obéir Allah ? Eski li bizin peur si pas dimounes pou croire dans li ou pas, ou sois li bizin peur Allah et répanne le message et bane instructions ki Allah fine donne li ?

Sa bane Mullahs Ahmadi ki pé faire désordre dans l'Inde là, zot pli pire ki bane Mullahs dans l'époque de Hazrat Massih Maoud Mirza Ghulam Ahmad (as). Fauté avec la Manifestation Divine ki ou alle conne bane vrais visages de sa bane Mullahs là dans le Jamaat de Hazrat Massih Maoud (as). Mo dire sa bane Mullahs fauteurs désordres là pou prend le nom d'Allah et dire ki tous mo bane révélations ki mo fine gagner li fausse et ki moi aussi mo fausse comme ene Rassool de sa l'époque. Publiye sa à travers le monde en entier et cause sa publiquement. Envoye sa message là entier le monde et ensuite nous va trouve le résultat de côté d'Allah. *Insha-Allah*.

Le monde capave rejette ene vrai messenger d'Allah, mais sa pas veut dire ki Allah pas avec li. Quand Allah avec li, tout capave quitte li, mais so travail comme ene Homme de Dieu, ene Serviteur et Messenger d'Allah, li pas changer. Allah fine donne moi sa bane titres là, Allah ki fine élève moi, et c'est Allah ki fine dessane la révélation divine lors moi pou retire lors moi tous bane blâmes et résoudre tous bane doutes ki dimounes ena dans zot l'esprit concernant mo venue dans sa le monde là comme ene Élu d'Allah.

Si coumsa, eski tout causer ki zot Khalifa pé causer, ki li pé rode faire croire ki li le Mujaddid de sa l'époque là et ki c'est li le Khalifa de l'Islam, eski kit jour li fine prend le nom d'Allah et dire à tous bane Ahmadis ki Allah fine dire li, ki li le Mujaddid de sa l'époque là ? Eski li fine même gagne la moindre révélation de côté d'Allah pou prouver ki Allah avec li, li en tant ki ene chef couma so bane prédécesseurs ti gagner?

Par la grâce d'Allah, beaucoup de bane Ahmadis et les autres musulmans gagne des millions de bane signes et faveurs de côté d'Allah. Définitivement Allah zamais abandonne So bane Banda sincères, mais si arriver la vérité vine devant zot concernant l'existence de **So Khalifatullah et Messenger d'Allah de zot l'époque** et zot rejette li, alors zot conséquences pou bien grave.

Ki Allah guide bane vrais chercheurs de vérité, bane ki zot les cœurs vraiment pures pou rentre dans le bain spirituelle de la Manifestation Divine pou purifier zot complètement. Allah et So Rassool, So Khalifatullah pas ouler quantité, mais qualité ; bane croyants de qualité, avec bons qualités dans le Jamaat Ul Sahih Al Islam. Celui ki croire et gagne la foi, heureux à li, mais celui ki tourne les dos et ridiculise la Manifestation d'Allah, bane signes d'Allah, alors so conséquences pou bien grave.

Nous fine trouver depuis la semaine dernière quand mo fine mette devant zot bane messages d'Allah, bane bonnes nouvelles ki Allah fine donner à bane vrais croyants et aussi bane avertissements aussi ki Li fine donner pou zot pas tombe dans pièges de Satan.

[Message Divine du 19 et 20 Juin 2018 li comme suite:](#)

Bismillah-ir-Rahman-ir-Rahim

Ya Khalifatullah, qul inna hudallaahi huwal hudaa
Ô Khalifatullah, dire zot, Guide Allah c'est sa le vrai guide.

Li malheureux ki ene Jamaat ki fine amène la lutte et faire dimounes croire ki révélation ti exister, pé exister et pour toujours exister jusqu'à le jour Qiyaamat, azordi sa même Jamaat rejette Mo Khalifatullah et la révélation divine malgré ki li la vérité. Pas tous les temps ki la grâce divine déssane coume sa. C'est nek avec la venue d'ene Messenger d'Allah ki le message d'Allah vine pendant ene période limité.

Qawluhul-Haqq

(Allah) So parole la vérité.

Mais ou, ou rejette sa. Coume sa même Nous tester ene partie contre l'autre partie et sa faire zot dire : « *Est-ce ki c'est lors sa qualité dimoune là parmi nous, ki Allah fine envoye So révélation ?* » **Allah réponne zot :**

Alaysallaahu bi-a-lama bish-Shaakiriin.

Est-ce ki c'est pas Allah ki plus conner ki cène là ki montrer reconnaissance ?

Mais bane ki accepter Nous bane signes et Mo Messenger, dire zot ki Allah (swt) fine prescrire pour Li-même rôle pou pardonner. Celui parmi ou ki faire mauvais sans conner, mais ki ensuite tourne vers Allah et améliore so conduite, alors Allah pardonne li et gagne pitié pour Li. Nous envoye Messenger pour donne bons nouvelles et aussi pour averti dimounes et là-aussi dimounes tourne zot les dos et zot attache zot avec sa la vie lors la terre là. La vie lors la terre, si zot ti conné, c'est seulement badinage et amusement. Zot oublier la vie dans l'autre monde et si zot ti conner ki la vie dans l'autre monde ki meilleur pour bane ki suivre chemin Allah. Malgré tous sa, le message continuer vini à travers Nous Messenger pour explique zot bane messages divine, depuis Allah (swt). Malgré sa zot continuer tourne zot les dos et zot rejette le message et zot dire à bane les autres « *Tous sa, c'est seulement zistoire vie dimounes.* »

Zot repousse les autres de sa message divine là et aussi mette pression lors zot pour pas croire dans Mo Messenger. Zot faire désordre kot zot pé détruire zot propre nâme, sans réaliser céki zot pé faire.

Innal-laaha laa yahdil qawmal-kaafiriin.

Et Allah pas guide bane ki rejette la foi.

O Khalifatullah, répanne message ki fine dessane lors toi de to Maître. Si to pas répanne Mo message, to pas fine obéir Mo l'instruction. En fait c'est message ki fine dessane lors toi de to Maître ki augmente extravagances et infidélité de beaucoup parmi sa bane ki fine rejette Mo message là et zot bane chefs, zot bane Mullahs morde zot boute les doigts de rage et faudé pas to chagrin et pleurer pour bane ki rejette message to Créateur. Dépi création les ciels et la terre li coume sa, ki à chaque fois ene prophète vine parmi zot avec kitchose ki pas faire zot plaisir zot rejette li et essaye pour touye li et persécute bane ki fine croire dans li.

To trouve beaucoup parmi zot galoper pour faire péchés et cause l'ennementé. Zot servi zot l'énergie pour faire du mal, désordre lor la terre et créer la haine, l'ennementé et allume difé la guerre. Pourtant zot faire grand déclaration ki zot péna la haine pour personne. Céki zot dire lors zot la lèvres pas reflecter ditout dans zot les cœurs. Ki faire zot bane chefs, zot bane Mullahs pas empêche zot azir couma bane malfaiteurs, bane criminels ? Sa, c'est parceki zot dimounes sans intelligence. Bane ki faire la guerre contre Allah et So Messenger et servi zot

l'énergie pour faire le mal lors la terre, Allah So punition pour bien sévère lors zot, excepté bane ki répentir avant ki la colère divine tombe lors zot.

Ô bane ki fine croire, suive chemin Allah, obéir So Messenger et cherche ene moyen pour approche ou plisse avec ou Rab. Faire zéfforts pour alle dans So chemin, afin ki ou prospérer et gagne la grâce divine. Par sa, Allah guide bane ki suive chemin la paix, et cherche faire Allah plaisir et Allah tire zot dans l'obscurité pour amène zot vers la lumière. Par So grâce, Li guide zot vers ene chemin droit. Rapplez faveur Allah lors ou kot Li fine tire ou dans noireté et fine faire ou prend le *Bai'at* dans la main Mo Serviteur et c'est avec Allah ki ou fine faire le *Bai'at*.

Alors suive l'ordre Allah. Vraiment Allah conner ceki ena dans ou les cœurs. Tini ferme avec Allah et So Messenger et témoigne toujours la vérité. Pas laisse la haine bane ki pas fine croire affecter ou et empêche ou faire la justice entre vrai et faux. Sa rapproche avec chemin Allah. Suive l'ordre Allah, parceki Allah au courant de ceki ou faire. Allah donne ou sa promesse là pour bane ki fine croire sincèrement ki zot pour gagne le pardon et ene grand récompense. Par contre pour bane ki rejette Nous signes zot pou vine compagnons ene grand difé. **Moi Allah, Mo Al-Jaleel.**

*[Ene explication ki mo donner lors là, et sa pas forme partie du message. Le mot Jaleel li vine à partir Jalaal ki signifié la gloire, la majesté, la grandeur etc. Donc, Al-Jaleel signifié Celui ki Grand, Majestueux et ki ena la Gloire. C'est ene attribut ki indique la perfection. Tout kitchose apart Allah Ta'ala li susceptible à l'imperfection. Donc, c'est Allah Ta'ala tousel ki **Al-Jaleel**. Pena nannié ki capave surpasse Allah Ta'ala. Tout mérite dans n'importe ki forme ki exister, li appartenir à Allah Ta'ala. Tout l'autorité ki trouver dans n'importe ki forme, c'est ene cadeau et faveur Allah Ta'ala. Personne pena aucaine capacité ni l'autorité par li-même ; c'est Allah Ta'ala ki accorde l'autorité. Tout dimounes ki ena sa à n'importe ki degré et dans n'importe ki niveau, li doit à Allah Ta'ala pour ceki li ena. Couma Allah Ta'ala Li donner, coume sa même li capave prend li aussi. Faudré pas li fier de ceki li ena et li vine arrogant.*

*Méditer lors attribut **Al-Jaleel**. Li développe humilité dans ene dimoune. Li donne li l'espoir et soulagement dans bane moments difficiles. Li ranne li sincère et obéissant à Allah Ta'ala. Et sa ranne li confiant et positif dans so la vie. Parceki li*

ena ene sel visé et ene seul objectif à considérer. Et c'est Allah Al-Jaleel. Apart sa tout vine secondaire si li pas négligeable.]

Le Message Divine continuer :

Tout ceci dans le Jamaat Ul Sahih Al Islam forme ene seul famille et heureux à zot ki Allah (swt) dans sa siècle là ki zot pé vivre là Li fine envoie So Khalifatullah parmi zot pour donne le message de zot Créateur. Li pé distribuer le trésor spirituel et li fine vini avec bane messages de vérité pour faire la justice entre bane dimounes dans questions lors ki zot pas d'accord et beaucoup pé vivre en désaccord dans sa religion ki Mo fine parfaire là (Islam) et aussi beaucoup des innovations, *Shirk* pé rentre dans sa religion pure là après ki zot fine recevoir bane versets clairs et livre parfait (le Quran) et ene modèle parfait en la personne du Saint Prophète Muhammad (saw) et les autres fine gagne le Messie du siècle passé Hazrat Mirza Ghulam Ahmad (as). Zot tous fine piétine bane l'enseignements divine et faire li vine en poussière.

Kan dire zot ki zot dans erreur, ceci zot pé faire li contre Allah (swt) So l'enseignement, vive dans chemin Allah, ou trouve ene l'arrogance criminel prend zot et même zot dire concernant Nous Messenger : « *C'est nous ki dans chemin Allah et toi to ene infidèle ; l'enfer to place.* » Comme-ci dirai zot fine gagne ene patente pour juge la foi les autres et zot appelle Allah comme Témoin de ceci ena dans zot les cœurs et (zot penser) ceci zot pé faire (bane innovations non-Islamiques) li bon. Zot bien têtù dans zot discussions. Sa qualité dimoune là li tourne so lédos avec la vérité et justice de côté Allah. Li dépêcher pour faire désordre lors la terre et pour détruire bane bon travaux ki le serviteur d'Allah et so bane disciples pé faire et **Moi Allah, Mo dire :**

Wallaahu laa yuhibbul Fasaad

Mais faire du tort (faire désordre) pas faire plaisir à Allah.

Et parmi, ki croyants sincères, zot donne zot la vie, avec désir pour faire plaisir Allah et pour sa bane là (croyants sincères) **Wallaahu Ra'uufum bil-Ibaad** – *Et Allah rempli de bonté pour bane ki servi Li.*

Ô ou ki pas encore joindre le Jamaat Ul Sahih Al Islam, entre dans le Jamaat Ul Sahih Al Islam complètement et pas suivre les pas de Shaitaan, parceki

ouvertement li ene l'ennemi pou ou. Shaitaan fine faire la vie lors la terre attirant pour bane ki pas ena la foi et c'est sa bane là même ki moque bane ki ena la foi. Bane ki vivre dans chemin Allah, pas laisse zot affecter avec ceki zot pé moquer. Allah donne zot sa promesse là, ki Mo pou place zot plus haut ki sa bane là, le Jour du Jugement. Lors sa bane kalité dimounes ki pé suivre le pas de Shaitaan, c'est bane dimounes ki pé trouve bane signes d'Allah tous les jours, mais zot cassiette bane signes claires ki Nous fine envoyer et aussi bane instructions ki fine donne zot pour amène zot vers Allah (swt). Après ki zot pé trouve tous bane signes et pé trouve la véracité de Mo Messenger, zot continuer faire zot désordre pour empêche les autres reconnaite sa vérité là et lors là zot donne des égales à Allah, zot donne zot idole ou zot chef ou zot patron plisse l'importance et l'amour ki zot ti besoin ena pour Allah. Si bane ki ena lizié pour sa bane du tort ki zot pé faire, zot ti va capave faire vision de zot punition. Tout pouvoir dans la main Allah et **Annallaaha Shadiidul-Azaab** – *Allah fort en punition*. Lors zot pou tombe malédiction Allah, bane anges et tous dimounes. Zot pou reste dans sa malédiction là toujours. Zot punition pas pour diminuer, et zot pas pour gagne repos.

Ô bane croyants ki trouve dans Jamaat Ul Sahih Al Islam reste sincère dans zot la foi parceki **Wa innahuu lal-haqqu mir-Rabbik** – *C'est la vérité ki vine de to Maitre*. Pas peur bane ki fine rejette sa vérité là. C'est bane hypocrites sa, mais peur seulement Moi, afin ki Mo complète Mo faveur lors ou ; Ou va suivre le bon chemin et le plus grand faveur ki ou fine gagner c'est ki Nous fine envoye ou Nous Messenger ki trouve parmi ou-même et li là pour récite ou Nous versets, Nous bane révélations, kot pou purifier ou, pour enseigne ou Le Livre Sacré et la Sagesse et pou montrer ou ceki ou pas conner.

Donc ou bizin remercier Moi et pas vine ingrats envers Moi pour sa faveur ki Mo fine envoye ou là. Cherche Mo l'aide avec patience et la prière nuit et jour et Moi (Allah), mo reste avec bane ki ena patience. Mo pou surement tester ou avec la peur, avec la faim, avec ene diminution dans ou dibien, ou famille et ou récolte, dans ou travail, dans ou l'environnement, mais Mo donne zot sa bon nouvelle là, bane ki ena patience, lors zot sa qualité croyants fermes là ki Mo pou envoye Mo bénédiction et Mo grâce et c'est zot ki suivre le droit chemin, ki obéir Allah et So Messenger et c'est zot ki ena ene l'amour profond pour Allah et So Messenger ki Li fine envoyer.

Et à la fin, dans une faiblesse et kot mo ti pé transpirer gros malgré pé faire bien frais, mo tende sa deux versets là : Innaka Antat-Tawwaabur-Rahim & Innaka Antal Aziizul Hakiim. Traduction : Car c'est Toi ki pardonner et ena pitié (pour nous). Car c'est Toi ki Grand et Sage.

Message Divine ki fine recevoir à 11.45pm avant minuit hier Jeudi 28 Juin 2018 (en Anglais):

Pendant ki mo ti pé faire *Zikr* et *Duah* concernant le développement du Jamaat Ul Sahih Al Islam dans le monde... Couma le message pou répanne? Kot ena très très peu de bane membres ki pé contribuer dans bane finances (du Jamaat), kot zot pas pé faire assez bane sacrifices financiers et pas pé faire assez *Tabligh*.

Ô Allah, nous ena beaucoup de travaux à faire dans le domaine de To Jamaat Ul Sahih Al Islam. Ensuite mo fine senti moi gagne bien frais. Mo lécoeur ti pé batte bien fort. Automatiquement, mo lizié fermer. À sa moment là, mo ti dans mo bureau, pas dans le *Bait-ul-Zikr*. Le Message vini, le message divine, **le message d'Allah**. Allah dire:

“Qul Ya Khalifatullah, stand up and tell them My truth. The truth is coming from your Lord. It is your duty to tell them the truth. Don't be afraid. Whatever will come out endure it patiently. O Khalifatullah, if you do not deliver My message it will be a sin on your part. Stand up and say My truth.

What the ex so-called Amir (Amine Jowaheer) has done, very critical. He forges lies against the Lord of Hazrat Muhammad Mustapha (saw), the Eternal God. The Actual Amir is going on the same way to create Hate in the hearts of people in Jamaat Ahmadiyya and they have rejected all My signs and do not want to listen to Divine revelations. Severe punishment will befall them and also all those who have turned their backs after accepting and witnessing Divine Signs.

Say unto them: That these words are not yours. It comes from the Lord of Heaven and Earth. Say unto them: That Ahmadiyyat has a Khalifa elected by men, where Allah (God) has already appointed His Khalifatullah in their era, just after the death of the fourth Khalifa (late Mirza Tahir Ahmad). On the same day a group had taken the Bai'at in his hand. Fulfil the covenant of Allah when you have made

one and break not your oaths after making them firm, while you have made Allah your surety.

O Khalifatullah, warn them and give them this message that the heritage of paradise has been transferred to another people, whom God will love and will give His help. Whosoever acts righteously whether male or female and is a believer, we will grant him a pure life; and we will surely bestow on such their reward according to the best of their work.

The Spirit of Holiness has brought it down from thy Lord with truth, that He may strengthen in their faith those who believe and as a guidance and glad tidings for Sahih al Islam believers.

- Nasir Ahmad Sultani is a liar. He forges lies, that he has challenged My Khalifatullah and made Mubahila with him, and the Khalifatullah does not know that Nasir Ahmad Sultani has challenged him with Mubahila. Look how the result of Mubahila turned against him. He is in jail because he is not the true servant of God, (he is) a liar.*
- Secondly, concerning Asad Shah, see what happened to him and when he decided to make proclamation and form a Jamaat that he is the Messenger of God, you know how he was finished. Like I have revealed in the Holy Quran, that if Hazrat Muhammad (saw) is a liar, he will be finished; just like Asad Shah was finished!*
- For the Mubahila between Janbah and the Khalifatullah, Janbah also has got many humiliations, and his followers also. This is all the result of Mubahila.*
- What the president Donald Trump is doing. Very very bad. Violent hate crimes against the great number of Muslims. This is the beginning of his end. The great battle of prayer of the Khalifatullah and his followers will make Donald Trump get great humiliation around the world."*

Message Divine fine terminer à 01.55am aujourd'hui Vendredi 29 Juin 2018.

Ensuite mo fine senti moi bien faible et mo fine alle faire mo Namaz Tahajjud. **Ki Allah aide zot tous pou suivre So bane instructions et préserve zot la foi pou bane membres existant du Jamaat Ul Sahih Al Islam, et quand à bane Chercheurs de Vérité, ki ou pieux ou bien ou rempli de péchés, ki aussi grand ki ene montagne, vine de l'avant pou accepter la vérité, parceki Allah li ene Allah Bien Pardonnant, et Li Rempli de Pitié et de Compassion. Insha-Allah, Ameen.**